



## **LIEFDE IN ZĒĒUWS-VLAONDEREN**

### **Ik liep is op d'un diek, in ons Zêêuws-vlaomse land**

Ik liep dao mee m'n lief, jao saomen and in and  
We genoot'n van de stilte, de zèè in zilte lucht  
En zaohen in de vêrte, wa veughels in de vlucht

### **We staord'ndn ôovert t'waoter, zôo nao d'un overkant**

In zaohen dao wa daok'n van durpjes daar in t'land  
In bie afgaond waoter un drôôgvallende plaot  
In keeken naor un schip, da d'in de vêrte vaort

### **REFREIN**

**W'ouw'wn van Zêêuws-vlaonderen, da landje uut de zèè  
Van z'un polders in z'n diek'n in veraolen van wel in wèè  
Van z'n zand en strand van z'un schôone ghrêinskant  
Ja, w'ouwen alle twèè, van ons landje bie de zèè**

### **Bie d'un diek daar is un kreeke, omzôômd deu boerenland**

In wao hewass'n staone, in schôone kleur in stand  
We keek'n nao mekaore en ik kneep is in d'r and  
We voeld'n ons gelukkig, in ons Zêêuw-vlaomse land

### **We liep'm vèder nêst d'un diek, zô saomen and in and**

In hiengen dao zô beid'n tot an da kleine strand  
Daor in t'zand ik schreef, dat ik èèl vee om d'r geef  
En ê d'r onbewust, onder Zêêuws-Vlaomse lucht gekust

### **REFREIN**

**Jan Hamelink. Juni 2012**